

2021eko 2. hiruhilekoan, jaiotzak % 2,9 jaitsi dira Euskal AEn, eta beheranzko joera moteldu da

Ezkontzabeko amen haurrak % 47,9 izan ziren

2021eko bigarren hiruhilekoan, Euskal AEn 3.523 haur jaio ziren, iazko aldi berean baino % 2,9 gutxiago, Eustaten datuen arabera. Jaiotzen beherakada hori aurtengo lehen hiruhilekoan izandakoa baino askoz txikiagoa da, % 12,5koa izan baitzen. Jaitsiera hiru lurraldeetan gertatu da, baina nabarmenagoa izan da Araban (-% 5,6) Gipuzkoan (-% 2,7) eta Bizkaian (-% 2) baino; zifra absolutuetan, Bizkaian 1.737 haur jaio ziren, 1.209 Gipuzkoan eta 577 Araban.

2021eko apirilean, maiatzean eta ekainean, ezkontzaz kanpoko jaiotzak guztizkoaren % 47,9 izan ziren, 2020ko hiruhileko berean izandako % 46,9 baino gehiago. Bizkaia, % 50ekin, izan zen Euskal AEko batezbestekoa baino balio handiagoak izan zituen lurralde bakarra; Araban eta Gipuzkoan portzentajeak txikiagoak izan ziren, % 47,5 eta % 44,9, hurrenez hurren.

Jaiotza-hurrenkeraren arabera, ia erdiak (1.709) lehen seme-alabak izan ziren 2021eko bigarren hiruhilekoan; 1.349 haur (% 38,3) aurretik beste bat zegoen familietara iritsi ziren, eta % 13,2koa izan zen hirugarren edo ondorengo ordenako jaiotzen ehunekoa.

40 urtetik gorako amen ehunekoa % 10 baino handiagoa da

Jaiotzak adinaren arabera banatuz gero, 30-39 urte bitarteko amek jarraitu zuten nagusi izaten, horien artean erditzeen % 70,6 gertatu baitziren. Aurrekoaren oso azpitik zeuden 25 eta 29 urte bitartekoak (% 12,3) eta 25 urtetik beherakoak (% 6,2), eta 40 urtetik gorako amak % 10,9 izan ziren.

Ama ezkontzabeen amatasun-adina (amen % 45,50) ama guztiena baino zertxobait txikiagoa izan zen; izan ere, ama ezkontzabeen % 9,9k 25 urte baino gutxiago zituen, eta % 14,9k 25 eta 29 urte bitartean. 40 urtetik gorako ama ezkontzabeen ehunekoa % 10,7 izan zen.

Behera egin du atzerriko nazionalitatea duten amen kopuruak

2021eko udaberriko hilabeteetan Euskal AEn izandako jaiotzen % 26tan, amek atzerriko nazionalitatea zuten. 2020ko aldi berean, ehuneko hori % 27,6koa izan zen. Lurraldeka, Araban % 36,4 izan zen, Gipuzkoan % 24,2 eta Bizkaian % 23,8.


Bizirik jaioak, lurralde historiko, amaren adina, amaren egoera zibila, amaren nazionalitatea eta jaiotza-ordenaren arabera (1)

	Oraingo hiruhilekoa (2021/II)		Aurreko hiruhilekoa (2021/I)		Aurreko urteko hiruh. bera (2020/II)	
	Kop.	%	Kop.	%	Kop.	%
Euskal AE	3.523	100,0	3.307	100,0	3.627	100,0
Araba / Álava	577	16,4	553	16,7	611	16,8
Bizkaia	1.737	49,3	1.612	48,7	1.773	48,9
Gipuzkoa	1.209	34,3	1.142	34,5	1.243	34,3
Amaren adina	3.523	100,0	3.307	100,0	3.627	100,0
≤ 24 urte	218	6,2	192	5,8	250	6,9
25 - 29 urte	433	12,3	439	13,3	507	14,0
30 - 34 urte	1.245	35,3	1.204	36,4	1.295	35,7
35 - 39 urte	1.242	35,3	1.148	34,7	1.214	33,5
≥ 40 urte	385	10,9	324	9,8	361	10,0
Amaren egoera zibila	3.523	100,0	3.307	100,0	3.627	100,0
Ezkondua	1.837	52,1	1.690	51,1	1.927	53,1
Ezkongabea	1.686	47,9	1.617	48,9	1.700	46,9
Amaren naziotasuna	3.523	100,0	3.307	100,0	3.627	100,0
Espainiarra	2.606	74,0	2.458	74,3	2.625	72,4
Atzeritarra	917	26,0	849	25,7	1.002	27,6
Jaiotza-hurrenkera	3.523	100,0	3.307	100,0	3.627	100,0
Lehenengoa	1.709	48,5	1.604	48,5	1.749	48,2
Bigarrena	1.349	38,3	1.293	39,1	1.410	38,9
Hirugarrena edo gehiago	465	13,2	410	12,4	468	12,9

(1) Oraingo eta aurreko hiruhilabeteko datuak behin-behinekoak dira

Iturria: Eustat. Jaiotzen estatistika

Euskal AEn erregistratuta dauden eta Euskal AEn bizi den ama batengandik bizirik jaioak



Iturria: EUSTAT. Jaiotzen Estatistika

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prentsa-zerbitzua: servicioprensa@eustat.es Tlf: 945 01 75 62